



Dato: 6. juni 2023
Kontor: Nordatlantkontoret
Sagsbeh: Astrid Boesen
Sagsnr.: 2017-730-0017
Dok.: 2632382

Akerleriinnik isumaqatigiissitsiniartarneq pillugu Kalaallit Nunaanni misileraanermik aaqqiissut pillugu nalunaarut

Kalaallit Nunaanni eqqartuussiveqarneq pillugu inatsimmi § 319 tunngavigalugu, tak. inatsimmik nalunaarut nr. 1581, 13. december 2016-imeersoq, kingullermik inatsimmi nr. 414, 25. april 2023-meersumi allanngortinneqartoq, aalajangersarneqarpoq:

§ 1. Akerleriinnik isumaqatigiissitsiniartarneq pillugu misileraanermik aaqqiissut pilersinneqassaaq, tassanilu eqqunngitsuliorfigisaq aamma pinerluttoq pinerluttuliornermik iliuseqarseqartoqarsimatillugu arlaannaannulluunniit attuumassuteqanngitsutut isumaqatigiissitsiniartartoq peqatigalugu naapissinnaapput. Isumaqatigiissitsiniartartup, inuit allat eqqunngitsuliorfigisap aamma pinerluttup saniatigut, akkerleriinnik isumaqatigiissitsiniarnermi peqataasinnaanerat akuerisinnaavaa.

Imm. 2. Misileraanermik aaqqiissut pinerluttuliornermik iliuseqarfiusimasunut ukununnga illoqarfinnut killiligaa voq Qaqortoq, Nuuk (tassunga ilaallutik Nuussuaq aamma Qinngorput), kiisalu Tasiilaq.

§ 2. Akerleriinnik isumaqatigiissitsiniarneq illua'tungeriit akkerleriinnik isumaqatigiissitsiniarnermut peqataaniarlutik aatsaat akuersippata ingerlanneqarsinnaavoq.

Imm. 2. Meeqqat aamma inuusuttut 18-it inorlugit ukiullit akkerleriinnik isumaqatigiissitsiniarnermut aammattaaq peqataasinnaapput angajoqqaatut oqartussaassuseqartoq aatsaat akuersiteqqaarlugu.

Imm. 3. Akerleriinnik isumaqatigiissitsiniarneq ingerlanneqarsinnaavoq pinerluttoq pinerluttuliorsimalluni aatsaat nassuersimappat.

Slotsholmsgade 10
1216 København K.

T +45 7226 8400
F +45 3393 3510

www.justitsministeriet.dk
jm@jm.dk

§ 3. Jyllandip Qeqqani Kitaanilu politiit akerleriinnik isumaqatigiissitsiniartarneq pillugu misileraanermik aaqqiissut pillugu qitiusumik oqartussaavoq.

Imm. 2. Jyllandip Qeqqani Kitaanilu politiit akerleriinnik isumaqatigiissitsiniartarneq pillugu pingaarnerusumik aqutsinermik isumaginnittuussaaq.

Imm. 3. Jyllandip Qeqqani Kitaanilu Politiit Kalaallit Nunaata Politiivi suleqatigalugit akerleriinnik isumaqatigiissitsiniartarnermut ilinniakkamik sanarfisaqassapput.

Imm. 4. Jyllandip Qeqqani Kitaanilu politiit aamma Kalaallit Nunaanni Politiit suleqatigiillutik akerleriinnik isumaqatigiissitsiniartarnermut najoqqutassat suliarissavaat.

§ 4. Jyllandip Qeqqani Kitaanilu politiit Kalaallit Nunaanni Politiit suleqatigalugit sumiiffimmi ataqatigiissaarisoq toqqassavaat, taassumalu Kalaallit Nunaanni Politiit suliffeqarfignissavai.

Imm. 2. Kalaallit Nunaanni Politiit aalajangersimasumik amerlassusillit isumaqatigiissitsiniartartut toqqassavaat, kommunit susassaqarfillit innersuussinerisut. peqqinnissaqarfimmuq, isumaginnittoqarfimmuq, ilinniartitaanermut aamma suliffissaqartitsinermut suliassaqarfimmi suliassanik suliarinnittartut suliassamut tulluarnepaatinneqartut.

Imm. 3. Taassuma, Jyllandip Qeqqani Kitaanilu politiit, Kalaallit Nunaanni Politiit suleqatigalugit isumaqatigiissitsiniartartut ilinniagaqarnermik aaqqiissuussimasaanik naammassillugu ilinniagaqartuusimanissaa isumaqatigiissitsiniartartut sulinissamut tunngaviuvoq. Taamaattorli inuit isumaqatigiissitsiniartartut naammassillugu allami ilinniagaqarsimasut, akerleriinnik isumaqatigiissitsiniartarnermut aaqqiissuussami isumaqatigiissitsiniartartut suliaqarsinnaanerat Jyllandip Qeqqani Kitaanilu politiivisa aamma Kalaallit Nunaanni Politiit aalajangersinnaavaat.

Imm. 4. Isumaqatigiissitsiniartartut ukiunut 3-nut imaluunniit misileraanermik aaqqiissutip naanerata tungaanut toqqarneqarsinnaapput. Isumaqatigiissitsiniartartut toqqarneqarneq piffissami qaqugukkulluunniit politiinit atorunnaarsinneqarsinnaavoq, taanna akerleriinnik isumaqatigiissitsiniartarnermut aaqqiissuussinermi isumaqatigiissitsiniartartut suliaqarnissamut tulluannigitsutut nalilerneqarpat.

§ 5. Sumiiffimmi ataqatigiissaarisoq akerleriinnik isumaqatigiissitsiniartarnermik suliassanik innersuussisarnermik

suliaqartassaaq aamma suliassat isumaqatigiissitsiniartartunut ataasiakkaanut agguattassallugit.

Imm. 2. Pinerluttoqarsimanermut atatillugu kommunip imaluunniit pisortani oqartussat allat, sumiiffimmi ataqatigiissaarisooq akerleriinnik isumaqatigiissitsiniartartoqassasooq qinnuigisinnaavaat.

§ 6. Isumaqatigiissitsiniartartup illua'tungeriit oqaloqatigeriarlugit akerleriinnik isumaqatigiissitsiniarnerup ingerlannissaa aaqquissuutissavaa. Akerleriinnik isumaqatigiissitsiniarnerup ingerlanerani isumaqatigiissitsiniartartup akerleriit pinerlunneq pillugu oqaloqatigiinneranni ikiussavai, aamma isumaqatigiissitsiniartartup illua'tungeriit kissaataat malillugit isumaqatigiissutaasinnaasunik ilusilersuineranni ikiorsinnaavai.

Imm. 2. Isumaqatigiissitsiniartartup aalajangerpagu imaluunniit illua'tungeriit arlaata peqataanissamut akuersissutini tunuartippagu isumaqatigiissitsiniarneq naammassineqassaaq.

§ 7. Jyllandip Qeqqani Kitaanilu Politiit aamma Kalaallit Nunaanni Politiit najoqqutassat aalajangigaat naapertorlugit akerleriinnik isumaqatigiissitsiniartarneq ingerlanneqartassaaq, tak. § 3, imm. 3.

Imm. 2. Illua'tungerisaq illersorteqarluni akerleriinnik isumaqatigiissitsiniarnermut peqataasinnaavoq, isumaqatigiissitsiniartup tamanna tungavissaqarsorippagu. Taamaattorli eqqartuussisuserisooq, eqqartuussisuserisumi fuldmægtigi akuerisaq imaluunniit illersorti akuerisaq illersortitut peqataasinnaangilaq, taannali eqqartuussisuserisutut, eqqartuussisuserisumi fuldmægtigitut akuerisatut imaluunniit illersortitut akuerisatut piginnaaneqarani, allatulli piginnaassuseqarluni peqataasinnaavoq.

Imm. 3. Illua'tungerisaq 18-it inorlugit ukioqarpat, taassumunnga angajoqqaatut oqartussaassuseqartoq akerleriinnik isumaqatigiissitsiniarnermut peqataanissaminut periarfissaqartinneqassaaq, aatsaalli taassuma peqataanninnissaanut isumaqatigiissitsiniartartoq immikkut ittumik patsisissaqartitsinngippat.

§ 8. Akerleriinnik isumaqatigiissitsiniartarneq pinerlussimanermut pineqaatissiiinernut imaluunniit allatigut inatsiseqartitsinikkut malitsigitinneqartunut tarsiinerunngilaq.

§ 9. Pinerluttulerinermi inatsimmi § 50, imm. 1 aamma 3, aamma eqqartuussisarnermik inatsimmi §§ 52-54 aamma § 143, imm. 1, 2 aamma

4, akkerliinnik isumaqatigiissitsiniartarneq pillugu aqqissuussinermut assingusumik isumaqatigiissitsiniartartunut atorneqartarput.

§ 10. Suliassaqarfii assiginngitsut akornanni malinnaasussat pilersinneqassapput, ukuninnga inuttallit Kalaallit Nunaanni Politiinit sinniisooq 1, Jyllandip Qeqqani Kitaanilu Politiiniit sinniisooq 1, Kalaallit Nunaanni Eqqartuussivinnit sinniisooq 1, Pineqaatissinneqarsimasunut inissiisarfimmit sinniisooq 1, kommunini isumaginninnermut ingerlatsivinnit sinniisooq 1, Aatsitassanut Inatsisillu Atuutsinneqarnerannut Naalakkersuisoqarfimmit sinniisooq 1 aamma Isumaginninnermut Aqutsisoqarfimmit sinniisooq 1. Malinnaasussat inuiaqatigiinni atituumik tunngaveqarnissap qulakkeerneqarnissaanik tapersiissapput. Kalaallit Nunaata Politiiviniit sinniisooq tassaavoq suliassaqarfinni assigiinngitsuni pilersinneqartuni siulittaasoq.

Imm. 2. Malinnaasussatut pilersinneqartut suliassaraat aqqissuussap malinnaaffiginissaa, aammalu siunnersuinissaq periutsinut, ilinniarnermut, atuutilersitsinermut kiisalu aqqissuussaaneermut tunngassutilinnik apeqqutinik akissuteqartarnissaq.

§ 11. Akkerliinnik isumaqatigiissitsiniartarneq pillugu misileraalluni aaqqiissut ukiunik 3-nik piffissalerlugu pilersinneqassaaq.

Imm. 2. Akkerliinnik isumaqatigiissitsiniartarneq, misileraanerup piffissaata iluani neqeroorutigineqarsimasooq, allamik aalajangiisooqanngippat misileraanerup qaangiunnerata kingorna naammassineqarsinnaavoq.

Imm. 3. Malinnaasussatut pilersinneqartut, tak. § 10, imm. 1, misileraalluni aqqissuussineq qaangiussimaleriarpat naliliiffigissavaat. kingorna misileraanermik aaqqiissut nalilersuiffigissavaa.

§ 12. Nalunaarut ulloq 1. juni 2024 atuutilersinneqassaaq.

Justitsministeriet, ulloq

Peter Hummelgaard

/

Marie Mølsted